



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-293-5/22**
Datum: **23.06.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica „AEMS“ d.o.o. Hadžići za donošenje rješenja o vodnoj dozvoli za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekta klaonice sitne i krupne stoke sa pratećim sadržajima i objekta prerade mesa, izgrađenih u naselju Donji Zovik, općina Hadžići, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „AEMS“ d.o.o. Hadžići, daje se vodna dozvola za ispuštanje tehnoloških otpadnih voda u rijeku Zujevinu i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada objekta klaonice sitne i krupne stoke sa pratećim sadržajima i objekta prerade mesa, izgrađenih u naselju Donji Zovik, općina Hadžići, na zemljištu označenom kao k.č. broj: 470, 471, 472, 473 i 474 K.O. Zovik- Pazarić.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „AEMS“ d.o.o. Hadžići, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu klanja stoke, pranjem opreme, uređaja i alata, te pranjem podova i radnih površina objekata na predmetnoj lokaciji, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje separatora masti-mastolova i septičke jame, kao i ostalog otpada sa lokacije predmetne klaonice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora masti-mastolova i septičke jame, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. stav (4) (Prilog 8.) Uredbe o uslovima ispuštanja otpadnih voda u okoliš i sisteme javne kanalizacije.
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na svim ispuštima u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).
 - 3.5. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
 - 3.6. Otpad koji nastaje u postupku rada klaonice sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.

- 3.7. Da se privremeno i konačno zbrinjavanje otpada i nusprodukata koji nastaju u postupku rada klaonice, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
- 3.8. Da se redovno vrši potpuno odvajanje krvi prilikom iskrvavljenja, sistemom odvojenog prikupljanja u posebne posude od inoxa i vrši zbrinjavanje prema uputama i u saradnji sa veterinarskom inspekcijom.
- 3.9. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.10. Da se kod pranja koriste sredstva koja su prikladna okolinskim zahtjevima.
- 3.11. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.12. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.13. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.14. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 17. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „AEMS“ d.o.o. Hadžići, zahtjevom bez broja od 09.06.2022 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada klaonice sitne i krupne stoke i prerade mesa sa pratećim objektima, izgrađenih u naselju Donji Zovik, općina Hadžići, na zemljištu označenom kao k.č. broj: 470, 471, 472, 473 i 474 K.O. Zovik- Pazarić.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama upisa u sudski registar broj: 065-0-Reg-18-005198 od 01.11.2018. godine, od strane Općinskog suda u Sarajevu –ovjerena kopija,
- Ovjerena kopija Uvjerenja o poreznoj registraciji donesenog od strane Porezne uprave - Kantonalni ured Sarajevo dana 12.11.2018. godine;
- Uvjerenje o upisu u Jedinostveni registar obveznika indirektnih poreza br. 04/1-17-1-UPJR/1-15718-2/18 od 27.11.2018. godine, izdato od strane Uprave za indirektno-neizravno oporezivanje Banja Luka-ovjerena kopija
- Kopija uplatnice administrativne takse i biljega,
- Rješenje o odobrenju za građenje izdato od strane Službe za prostorno uređenje, stambene i komunalne poslove, geodeske poslove i katastar, Općina Hadžići, broj:05/1-23-444/01 od 04.04.2001. godine- ovjerena kopija-ovjerena kopija,
- Izvještaj o monitoringu kvaliteta i kvantiteta otpadnih voda urađen od strane „Inspekt -RGH“ d.o.o. Sarajevo, juli 2021. godine,
- Rješenje o vodnoj dozvoli broj: UP-I/25-3-40-149-7/17 od 13.06.2017. godine izdato od strane Agencije za vodno područje rijeke Save, Sarajevo,
- Rješenje o vodnoj dozvoli broj: 07-04-25-769/17 od 01.04.2019 godine izdato od strane Ministarstva privrede Kantona Sarajevo,
- Punomoć za Fakić Ermina od 01.06.2022 godine
- Ugovor o zbrinjavanju opasnog otpada zaključen sa ovlaštenom firmom „AIDA-COMMERCE“ d.o.o. Sarajevo dana 04.04,2022 godine.

B. Tehnička dokumentacija

- Dopuna glavnom projektu-vanjska kanalizaciona mreža objekta klaonice i prerade mesa „AEMS“ d.o.o. Hadžići i projekat osočare/lagune u objektu za privremeni smještaj stoke, urađen od strane „HIGRACON“ d.o.o. Sarajevo, decembar 2009 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-293-4/22 od 22.06.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija predmetnog poslovnog objekta nalazi se u naselju Zovik, općina Hadžići, na zemljištu k.č. broj: 470, 471, 472,473 i 474 K.O. Zovik- Pazarić, uz korito rijeke Zujevine.

Namjena predmetnog poslovnog objekta je klaonica sa pratećim sadržajima i prerada mesa.

Projektovani kapacitet klaonice je 50-70 komada krupne stoke i 150 -200 komada sitne stoke sedmično. Kompleks predmetnog poslovnog objekta sačinjavaju objekti za klanje stoke, depo za prihvata stoke, objekti u kojima se vrši prerada mesa, komore za hlađenje mesa, prostorije za smještaj kože, sanitarni čvor, separator masti-mastolov, septička jama, prostorije animalni otpad, đubrenka i drugi prateći sadržaji vezani za djelatnost klaonice.

Tehnološke otpadne vode nastaju kod pranja podova pogona i opreme koja se koristi kod proizvodnje mesnih prerađevina, od pranja površina na kojima se obavlja obrada kože, pranja prostorija i opreme od klanja stoke. Za prihvata ovih otpadnih voda izgrađeni su podni slivnici sa rešetkama za odvajanje krupnog otpada i kanalizacija koja ove otpadne vode odvodi do separatora masti-mastolova a zatim u dvokomornu septičku jamu sa prelivom u recipijent-rijeku Zujevinu.

Sanitarno-fekalne otpadne vode se prikupljaju i prečišćavaju zajedno sa tehnološkim otpadnim vodama.

Po izjavi podnosioca zahtjeva i uviđajem na terenu utvrđeno je da se na predmetnoj lokaciji trenutno ne vrši klanje stoke i ne nastaje kuti otpad-stajnjak, kože, animalni otpad, krv i tehnološka otpadna voda od klanja. Aktivnost klanja krupne i sitne stoke nije trajno ukinuta.

U slučajevima kad se vrši klanje rješenja otpada su sljedeća:

Otpad od klanja, papci, rogovi, kosti, iznutrice i drugi otpad, se prikupljaju u kontejner i redovno odvoze, od strane JKP „Komunalac“ d.o.o. Hadžići.

Stajnjak se zajedno sa osokom iz štale u kojoj se privremeno drži stoka do postupka klanja, skuplja u vodonepropusnoj betonskoj osočari/laguni, a potom nakon određenog vremena odvozi i koristi za podubranje poljoprivrednih površina.

Kože se konzerviraju postupkom nasoljavanja i privremeno skladište a potom prodaju ovlaštenoj firmi.

Krv koja nastaje pri klanju se odvojenim sistemom prikuplja u plastični kontejner. Zbrinjavanje krvi vrši se od strane ovlaštene firme.

Izveštaj o ispitivanju kvaliteta otpadnih voda za poslovni objekat pravnog lica „AEMS“ d.o.o. Hadžići na predmetnoj lokaciji „Inspekt -RGH“ d.o.o. Sarajevo, juli 2021. godine, pokazuje da su vrijednosti parametara efluenta u skladu sa dozvoljenim vrijednostima propisanim Uredbom.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-149-7/17 od 13.06.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 13.06.2022. godine konstatovano je da podnosilac zahtjeva „AEMS“ d.o.o. Hadžići izmiruje svoje obaveze uplate posebnih vodnih naknada.”

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka cc) i članova 15, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „AEMS“ d.o.o. Hadžići, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- „AEMS“ d.o.o. Hadžići, Donji Zovik broj 69, Hadžići (Prilog-tehnička dokumentacija pod tačkom B. obrazloženja ovog Rješenja)
- ▲ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo